



Kwowa ki Ticwa Macalo Lukricitayo

YUB ME COKKE

Kit me Nyamo Lok

●○○ LIM ME ACEL

Lapeny: Ka kwene ma watwero nongo iye tam mucwiny i kom kit me kwo ki yomcwiny?

Ginacoya: **Jab 1:1, 2**

Lapeny pi Lim Mukene: Ka wamaro cente ki jami me kom, ci man romo gudo yomcwinywa nining?



○○● DOK CEN KA LIM MUKWONGO

Lapeny: Ka wamaro cente ki jami me kom, ci man romo gudo yomcwinywa nining?

Ginacoya: **1Tem 6:9, 10**

Lapeny pi Lim Mukene: Adwogi maber ango ma wanongo ka watye ki yomcwiny?



○○● DOK CEN KA LIM ME ARYO

Lapeny: Adwogi maber ango ma wanongo ka watye ki yomcwiny?

Ginacoya: **Car 17:22**

Lapeny pi Lim Mukene: Jo me ot gitwero bedo ki yomcwiny nining kadi bed kwo tek?

- Wer 8 ki Lega
- Lok me Cakone (Dak. 3 nyo ma pe o)

LONYO MA TYE I LOK PA LUBANGA

- “Apokapoka ki Jami Marom ma Tye i kin Kwer me Kato ki Nipo”: (Dak. 10)

Mat 26:17-20—Yecu ocamo cam me Kato me agikkine ki lukwenane (jami anena me *nwtsty-E*)

Mat 26:26—Mugati me Nipo cung pi kom Yecu (jami akwana me *nwtsty-E*)

Mat 26:27, 28—Vino ma kitiyo kwede i Nipo cung pi ‘remo pa Yecu me gicikke’ (jami akwana me *nwtsty-E*)

- Yenyo Lonyo me Cwiny: (Dak. 8)

Mat 26:17—Pingo kilwongo Nican 13 ni “nino mukwongo me nino madito me Mugati ma Tobi Pe Iye”? (jami akwana me *nwtsty-E*)

Mat 26:39—Gin ango ma nen calo otugo cwiny Yecu me lega ni: “Kwany kikopo man woko ki i koma”? (jami akwana me *nwtsty-E*)

Kwan me Baibul me cabit-ti opwonyi ngo i kom Jehovah?

Lonyo me cwiny ango ma inongo ki i kwanni me Baibul i cabit man?

- Kwano Baibul: (Dak. 4 nyo ma pe o) Mat 26:1-19

TUTE MATEK I TIC ME PWONY

- Vidio pi Lim me Acel: (Dak. 4) Tuk ci wunyam vidio man.
- Dok Cen ka Lim Mukwongo: (Dak. 3 nyo ma pe o) Ti ki tam ma kimiyo i kom kit me nyamo lok.
- Kwano Baibul ki Danu: (Dak. 6 nyo ma pe o) *bhs* 59 para. 21-22 ki lok me giko buk

KWOWA MACALO LUKRICITAYO

- Wer 148
- Kop ma Mako Kacokkewa: (Dak. 8)
- *Dok Larem Jehovah—Ginkok*: (Dak. 7) Tuk vidio (cit i jw.org/ach, BUKKE > VIDIO). I ngeye, lwong lutino mogo ma onongo dong kiyerogi con wek gubin i wi abam, ci ipenygi ki lapeny magi: Pingo two mako dano, gitii, dok gito? Gen ango ma Jehovah omini-wa? Anga ma imito rwatte kwede i Paradic?
- Kwano Baibul Kacel Macalo Kacokke: (Dak. 30) *lv* dul 4 para. 1-11
- Wiye Wiye me Pwony ma Tin ki me Cabit Manyen (Dak. 3)
- Wer 26 ki Lega

MATAYO 26 | Apokapoka ki Jami Marom ma Tye i kin Kwer me Kato ki Nipo



26:18 ✍

Co piny nying gin ma kiketo namba i kome.

I kin jami magi, mene ma bene kitiyo kwede i Cam me Otyeno pa Rwot?

- 1
- 2
- 3
- 4



TIKA ONONGO INGEYO?

Kadi bed kwer me Kato onongo pe cimo Nipo, ento pud watwero nongo pwony mapol ki i kwer me Kato. Me labolle, lakwena Paulo olwongo Yecu ni “latin romowa me Kato.” (1Kor 5:7) Kit macalo remo latin romo ma kireyo i kom okar doggola olaro kwo pa dano, remo pa Yecu bene laro kwowa. (Nia 12:12, 13) Ki bene, pe kituro kadi wa cogo acel pa latin romo ma kicamo i kwer me Kato. I yo acel-li, pe kituro cogo mo keken pa Yecu, kadi bed meno onongo obedo cik me tekwaro ma Lujudaya gilubo ka kineko dano.—Nia 12:46; Jon 19:31-33, 36.

- Wer 97 ki Lega
- Lok me Cakone (Dak. 3 nyo ma pe o)

LONYO MA TYE I LOK PA LUBANGA

- “Wuciti Wucilok Dano Gudok Jo ma Luba—Pingo, Kwene, ki dok Nining?”: (Dak. 10)

Mat 28:18—Yecu tye ki twero madit (w04-E 7/1 8 para. 4)

Mat 28:19—Yecu ociko lupwonnyene ni gutit kwena dok gupwony dano i wi lobo ducu (jami akwana me nwtsty-E)

Mat 28:20—Omyero wakony dano me pwonyo ki keto i tic jami ducu ma Yecu opwonyo (jami akwana me nwtsty-E)

- **Yenyo Lonyo me Cwiny:** (Dak. 8)

Mat 27:51—Yec pa bongo kicika ma i ot pa Lubanga i dul aryo onongo cung pi gin ango? (jami akwana me nwtsty-E)

Mat 28:7—I yo ango ma lumalaika pa Jehovah guketo kwede deyo i kom mon ma gubino i lyel pa Yecu? (jami akwana me nwtsty-E)

Kwan me Baibul me cabit-ti opwonyi ngo i kom Jehovah?

Lonyo me cwiny ango ma inongo ki i kwanni me Baibul i cabit man?

- **Kwano Baibul:** (Dak. 4 nyo ma pe o) Mat 27:38-54

TUTE MATEK I TIC ME PWONY

- **Lim me Acel:** (Dak. 2 nyo ma pe o) Ti ki tam ma ki-miyo i kom kit me nyamo lok.
- **Vidio pi Dok Cen ka Lim Mukwongo:** (Dak. 5) Tuk ci wunyam vidio man.
- **Pwony:** (Dak. 6 nyo ma pe o) g17.2-E 14—Wi Lok: Yecu Tika Oto i kom Yatariya?

KWOWA MACALO LUKRICITAYO

- Wer 96
- “Tito Kwena ki Pwonyo Dano—Pigi Tego Adada me Loko Dano Wek Gudok Lupwonnye”: (Dak. 15) Pwony ki lapeny. Ka wutye ka nyamo pwony man, tuk vidio ma wiye tye ni ‘Pe lwek’ Tito Kwena—Miyo Caden ma Pe lyubbe lye ki i Ot ki Ot ki dok ‘Pe lwek’ Tito Kwena—I Dye Lwak ki Loko Dano me Doko Lulub Kor Yecu.
- **Kwano Baibul Kacel Macalo Kacokke:** (Dak. 30) Iv dul 4, para. 12-21, bok i pot 42
- **Wiye Wiye me Pwony ma Tin ki me Cabit Manyen** (Dak. 3)
- Wer 69 ki Lega

MATAYO 27-28 | Wuciti Wucilok Dano Gudok Jo ma Luba—Pingo, Kwene, ki dok Nining?



28:18-20

Pingo? Yecu onongo twero madit ki bot Jehovah

Kwene? Yecu ociko lulub kore me loko “jo me rok ducu” wek gudok lupwonnyene

Pwonyo dano me lubo jami ducu ma Yecu ocikogi obedo gin ma tero kare



Watwero pwonyo jo mukene ki gin ma Yecu ociko **nining?**



Watwero konyo lutino kwan-wa me lubo pwony pa Yecu **nining?**



Watwero konyo lutino kwan-wa me lubo lanen pa Yecu **nining?**

- Wer 77 ki Lega
- Lok me Cakone (Dak. 3 nyo ma pe o)

LONYO MA TYE I LOK PA LUBANGA

- **“Balli Dong Giweko Woko”:** (Dak. 10)
[Tuk vidio ma wiye tye ni *Lok i kom Buk pa Marako*
Mar 2:3-5—Yecu oweko bal pa laco mo ma twoyo two akweya kom (*ji-E 67 para. 3-5*)
Mar 2:6-12—Yecu onyuto ni etye ki teko me weko bal i kare ma en ocango laco mo ma twoyo two akweya kom (jami akwana me *nwtsty-E* i kom Mar 2:9)

- **Yenyo Lonyo me Cwiny:** (Dak. 8)
Mar 1:11—Lok man ma Jehovah owaco bot Yecu te lokke ngo? (jami akwana me *nwtsty-E*)

Mar 2:27, 28—Pingo Yecu olwonge kekene ni ‘Rwot me Cabat’? (jami akwana me *nwtsty-E*)

Kwan me Baibul me cabit-ti opwonyi ngo i kom Jehovah?

Lonyo me cwiny ango ma inongo ki i kwanni me Baibul i cabit man?

- **Kwano Baibul:** (Dak. 4 nyo ma pe o) Mar 1:1-15

TUTE MATEK I TIC ME PWONY

- **Lim me Acel:** (Dak. 2 nyo ma pe o) Cak ki tam ma kimiyo i kom kit me nyamo lok. Gam lok pa rwod ot ma otemo ngolo lok-ki i yo ma dano maro ngolo kwede lok i wang ticwu.
- **Dok Cen ka Lim Mukwongo:** (Dak. 3 nyo ma pe o) Ti ki tam ma kimiyo i kom kit me nyamo lok.
- **Vidio pi Dok Cen ka Lim me Aryo:** (Dak. 5) Tuk ci wunyam vidio man.

KWOWA MACALO LUKRICITAYO

- Wer 68
- **“An Pe Abino ka Lwongo Jo ma Kitgi Atir, Ento Lubalo”:** (Dak. 7) Pwony ki lapeny. Tuk vidio ma wiye tye ni *Anongo Yomcwiny me Ada i Nge A ki i Buc* (cit i *JW Library* iyeny i te *INTERVIEWS AND EXPERIENCES, yer leb Acholi*). I ngeye, peny lapeny magi: Ngo ma okonyo Donald me nongo yomcwiny me ada? Ka watye ka tito kwena, watwero lubo lanen pa Yecu nining kun watwero dano labongo cwiny me apokapoka?—Mar 2:17.
- **Jehovah ‘Weko Balwa Ducu’:** (Dak. 8) Pwony ki lapeny. Tuk vidio ma wiye tye ni *Jehovah, Abiketi Mukwongo i Kwona* (cit i *JW Library* iyeny i te *INTERVIEWS AND EXPERIENCES, yer leb Acholi*). I ngeye, peny lapeny magi: Anneliese odok cen bot Jehovah nining, dok pingo? (Ic 55:6, 7) Itwero tic ki gin mutimme i kwone-ni nining me konyo jo ma ticgi pi Jehovah okwe woko?
- **Kwano Baibul Kacel Macalo Kacokke:** (Dak. 30) *Iv dul 4, pot 46-49*
- **Wiye Wiye me Pwony ma Tin ki me Cabit Manyen** (Dak. 3)
- Wer 120 ki Lega


MARAKO 1-2 | “Balli Dong Giweko Woko”



2:5-12

Pwony ango ma wanongo ki i kom tango man?

- Two bino macalo adwogi me bal ma walako
- Yecu tye ki twero me weko bal ki teko me cango lutwo
- I te loc pa Ker-ri, Yecu bijwayo roc kacel ki two ki pete tere ducu

 Marako 2:5-12 twero konya nining me kanyo arem ka koma lit?



- Wer 143 ki Lega
- Lok me Cakone (Dak. 3 nyo ma pe o)

LONYO MA TYE I LOK PA LUBANGA

- **“Cango Dano i Cabat”:** (Dak. 10)
 Mar 3:1, 2—Lutela dini pa Lujudaya onongo gitye ka yenyo yo me kelo kop i kom Yecu (jy-E 78 para. 1-2)
 Mar 3:3, 4—Yecu onongo ngeyo ni gudoko lugingi tutwal i lubo cik me Cabat (jy-E 78 para. 3)
 Mar 3:5—Yecu “cwinye ocwer pi nwang cwinygi” (jami akwana me nwtsty-E)
- **Yenyo Lonyo me Cwiny:** (Dak. 8)
 Mar 3:29—Te lokke ngo ka ngat moni oyeto cwiny maleng, dok adwogine bedo ngo? (jami akwana me nwtsty-E)

Mar 4:26-29—Pwony ango ma watwero nongone ki i carolok ma Yecu obolo i kom laco kodi ma onino woko-ni? (w14 12/1 14-15 para. 6-8)

Kwan me Baibul me cabit-ti opwonyi ngo i kom Jehovah?

Lonyo me cwiny ango ma inongo ki i kwanni me Baibul i cabit man?

- **Kwano Baibul:** (Dak. 4 nyo ma pe o) Mar 3:1-19a

TUTE MATEK I TIC ME PWONY

- **Dok Cen ka Lim me Aryo:** (Dak. 3 nyo ma pe o) Ti ki tam ma kimiyo i kom kit me nyamo lok.
- **Dok Cen ka Lim me Adek:** (Dak. 3 nyo ma pe o) Yer ginacoya ma imito, ci imi buk nyo brocuwa ma watiyo kwede me kwan.
- **Kwano Baibul ki Dano:** (Dak. 6 nyo ma pe o) *bhs* 36 para. 21-22—Nyut kit me gudo cwiny latin kwan.

KWOWA MACALO LUKRICITAYO

- Wer 123
- **“Ngat ma Tye ki It me Winyone, Owiny”:** (Dak. 15)
 Tit te Marako 4:9 (jami akwana me nwtsty-E). Tuk vidio ma wiye tye ni *Wuwiny Pwonnya Wek Wubed Maryek* (cit i *JW Library* iyeny i te *THE BIBLE*, yer leb Acholi). I ngeye, wunyam lok ma jenge i buk me “*Wubed i Mar pa Lubanga*,” pot karatac 46-47.
- **Kwano Baibul Kacel Macalo Kacokke:** (Dak. 30) *lv* lamed ngec, pot 209-212
- **Wiye Wiye me Pwony ma Tin ki me Cabit Manyen** (Dak. 3)
- Wer 86 ki Lega

MARAKO 3-4 | Cango Dano i Cabat



3:1-5

Pingo Yecu cwinye ocwer matek i kom lutela dini pa Lujudaya? Pien ni guweko woro Cabat odoko gin matek adada ki medo cik mukene mapol matino tino. Me labolle, pe onongo giye ni kinek lwango. Cikgi onongo ye me cango ngat moni ka kwone tye ka mading keken. Man nyuto ni ka cogo pa ngat moni otur nyo owilo tyene, cik onongo pe ye ni kikonye i ceng Cabat. Ki lok ada, lutela dini onongo pe giparo pi laco man ma bade otal-li.

✍ PENYE KEKENI NI:

‘Tika jo mukene ginena calo ngat ma langingi tutwal i lubo cik nyo kece ngat ma lakica?’

‘Atwero lubo lanen me kica pa Yecu nining ka aneno ngat mo ma mito kony adada i kacokke?’



- Wer 111 ki Lega
- Lok me Cakone (Dak. 3 nyo ma pe o)

LONYO MA TYE I LOK PA LUBANGA

- **“Yecu Tye ki Teko me Cero Jowa me Amara ma Guto”:** (Dak. 10)
Mar 5:38—Wakumo ka warwenyo danowa me amara i to Mar 5:39-41—Yecu tye ki teko i kom jo ma ‘gunino anina’ i to (jami akwana me *nwtsty-E* i kom Mar 5:39)
Mar 5:42—Nicer ma bitimme anyim bimiyo dano uro ma-tek tutwal [“bedo ki yomcwiny madit adada,” *NW*] (*jy-E* 118 para. 6)
- **Yenyo Lonyo me Cwiny:** (Dak. 8)
Mar 5:19, 20—Pingo Yecu dok owaco gin mapat i wang-nyi? (jami akwana me *nwtsty-E* i kom Mar 5:19)

Mar 6:11—Te lokke ngo me ‘tengo apwa woko ki i tyenwa’? (jami akwana me *nwtsty-E*)

Kwan me Baibul me cabit-ti opwonyi ngo i kom Jehovah?

Lonyo me cwiny ango ma inongo ki i kwanni me Baibul i cabit man?
- **Kwano Baibul:** (Dak. 4 nyo ma pe o) Mar 6:1-13

TUTE MATEK I TIC ME PWONY

- **Dok Cen ka Lim me Aryo:** (Dak. 3 nyo ma pe o)
Cak ki tam ma kimiyo i kom kit me nyamo lok. Nyut ki rwod ot kabledowa me intanet, *jw.org*.
- **Dok Cen ka Lim me Adek:** (Dak. 3 nyo ma pe o)
Yer ginacoya ci ipeny lapeny ma ibidwogo ka gamone i lim mukene.
- **Kwano Baibul ki Danu:** (Dak. 6 nyo ma pe o) *bhs* 36 para. 23-24—Nyut kit me gudo cwiny latin kwan.

KWOWA MACALO LUKRICITAYO

- Wer 24
- **“Ti ki Diro ki Jami Ticwa ma Pigi Tego me Pwony”:** (Dak. 5) Pwony ki lapeny.
- **Nongo Kwe Cwiny i Dul pa Jehovah:** (Dak. 10)
Pwony ki lapeny. Tuk vidio (cit i *JW Library* iyeny i te *INTERVIEWS AND EXPERIENCES*, yer leb Acholi). I ngeye, peny lapeny magi: Atematema ango ma jo me ot pa Pera gukato ki iye? Gin ango ma okonyogi me ciro-ne? Pingo omyero wamedde ki yubwa me woro Lubanga ka watye ka kato ki i atematema?
- **Kwano Baibul Kacel Macalo Kacokke:** (Dak. 30) *Iv* dul 5, para 1-6, bok i pot 52, 55
- Wiye Wiye me Pwony ma Tin ki me Cabit Manyen (Dak. 3)
- Wer 101 ki Lega


MARAKO 5-6 | Yecu Tye ki Teko me Cero Jowa me Amara ma Guto



5:38-42

- Cwercwiny ma wabedo kwede ka ngat ma wamaro oto pe nyuto ni wape ki niye i kom nicer (Acak 23:2)
- Lwodo lok i kom nicer ma kicoyo i Baibul bijingo niyewa i kom nicer ma bitimme anyim



 Anga ma itye ka kuro jolone ka kicero?

Ngo ma bino i wi ka itamo i kom kit ma ibirwatte kwede ki joni me amara ma kibicerogi?

Ti ki Diro ki Jami Ticwa ma Pigi Tego me Pwony




Loko dano me doko lupwonnye obedo calo gero ot. Me gedo ot maber, myero wapwony kit me tic ki jami gedo i yo maber. Tutwalle myero wadong dirowa me tic ki Lok pa Lubanga ma en aye tye calo gin ticwa ma pire tek loyo. (2Tem 2:15) Myero bene wati ki jami ticwa mukene calo buke ki vidio i yo maber wek walok dano me doko lupwonnye.*

Itwero dongo dironi nining i kit me tic ki Jami Ticwa ma Pigi Tego me Pwony? (1) Peny laneno me gurupwu me tito kwena wek okonyi, (2) ti kacel ki latit kwena nyo lapaenia mucwiny i ticwa me pwony, ki dong (3) bed ka poro kit me tic kwedgi teretere. Ka idongo dironi i kit me tic ki buke kacel ki vidio magi, ci ibinongo yomcwiny i ticwa me loko dano me doko lupwonnye ma tye ka timme kombeddi-ni.



* Buke mogo manok ma peke i kin jami ticwa ma pigi tego onongo kicoyogi tutwalle pi gurup moni. Buke magi watwero tic kwedgi ka ce warwatte ki jo magi.




MAGAJIN




BROCUWA



BUKE



TRAK



VIDIO



KAD ME JW.ORG



KARATAC ME LWONGO



Tito Kwena ki Pwonyo Dano—Pigi Tego Adada me Loko Dano Wek Gudok Lupwonnye

Yecu ociko lulub kore ni guciti gulok dano wek gudok lupwonnyene. (Mat 28:19) Man kwako tito kwena ki pwonyo dano. Kare ki kare, wan ducu omyero wapenye kekenwa ni, 'Ngo ma myero ayubi ka odok i tic me tito kwena ki pwonyo dano wek gudok lulub kor Yecu?'



TITO KWENA

Ma kaka kuro dano ni gubin botwa, wan aye omyero wayeny jo ma "myero." (Mat 10:11) Ka watye ka nywako i tic me pwony, tika wabedo atera me lok ki jo ma 'warwatte kwedgi'? (Tic 17:17) Ludia odoko lapwonnye pien Paulo obedo ka keto cwinye i ticce me tito kwena.—Tic 16:13-15.

NEN VIDIO MA WIYE TYE NI 'PE IWEK' TITO KWENA—MIYO CADEN MA PE IYUBBE IYE KI I OT KI OT, CI IGAM LAPENY MAGI:

- I kwone me nino ducu, Camuel onyuto nining ni etye ka coyo kodi me ada ki mit kom i cwiny dano?



- Pingo myero watute i yo ducu mapatpat me tito kwena?

- Angagi ma itwero nywako lok ada kwedgi i kwoni me nino ducu?

"Co kodini i odiko, dok i otyeno bene kit meno pe ijuk cingi ka tic" (Latit 11:6)



PWONYO DANO

Wek walok dano me doko lupwonnye, pe myero waminigi ginakwana keken. Me konyogi wek gudong i yo me cwiny, myero wadok cen ka limogi kun wakwano Baibul kwedgi. (1Kor 3:6-9) Ento ket kong ni tutewa me pwonyo ngat moni ki lok me ada me Ker-ri pe onyako nyige kono? (Mat 13:19-22) Myero wamedde ki yenyo jo me cwinygi tye calo "ngom maber."—Mat 13:23; Tic 13:48.

NEN VIDIO MA WIYE TYE NI 'PE IWEK' TITO KWENA—I DYE LWAK KI LOKO DANO ME DOKO LULUB KOR YECU, CI IGAM LAPENY MAGI:

- Solomon ki Mary guonyo pii i kom kodi me ada ma kipito i cwiny Ejekiel gin ki Abigail nining?



- Yub ango ma myero wabed kwede ka watye ka nywako i yo me tito kwena mapatpat, kadi wa miyo caden i dye lwak?

- Watwero keto cwinywa i tic me pwonyo jo mukene ki lok ada nining?

"Yam acoyo kodi, Apolo oonyo iye pii, ento Lubanga omiyo odongo" (1Kor 3:6)

